



UNIVERSITÄTS-  
BIBLIOTHEK  
PADERBORN

**Murenulæ Sacræ Vestis Sponsæ Regis Æterni  
Vermiculatæ Opus, De Privilegiis Ordinum Regularium**

**Alviset, Virginius**

**Campidonæ, 1673**

Articulus 5. De Amissione privileg. Per contrarium usum.

---

[urn:nbn:de:hbz:466:1-62361](https://nbn-resolving.org/urn:nbn:de:hbz:466:1-62361)

in illis d. 4. Panor. & Ioan. Andr. cap. Ioan-  
nes de Cler. Coniug. Iaf. l. de quibus ff. de leg.  
Cign. l. 2. C. que sit long. consuet. Aretin. §.  
ignit. in proem. inst. Angel. in sum. v. lex  
nom. 17. Syllu. consuetudo. num. 13 & Laym.  
in Theol. mor. lib. 1. tract. 4. cap. 23. Et ratio  
est, quia privilegium non necessitat ad  
egendum, sed dat facultatem.

Quantum vero ad privilegia odiosa,  
hæc iure communi amittuntur, spatio 10.  
annorum inter præsentés, 20. inter ab-  
sentes: quia tunc non tantum interest  
non usus. Sed adversarius qui sentit in-  
commodum, ex talibus privilegiis, præ-  
scribit libertatem contra ipsa, ex dispo-  
sitione autem juris, præscribuntur tanto  
termino, quævis alia obligationes & ser-  
vitudes, seu reales, seu personales. Gloss.  
l. 1. cit. de nund. Suar. lib. 8. de leg. cap. 84.  
& Laym. supra cit.

Verum præter hunc lapsum temp-  
oris, aliqua alia requiruntur à DD. ut per  
hanc viam non usus, amittatur aliquod  
privilegium, nempe primò ut privile-  
giatus, habuerit occasionem utendi suo  
privilegio, & tamen non sit usus. Gloss.  
c. ut privilegia. de privil. & cap. Abbate de  
verb. signif. Panor. & Butr. eod. Burg. c.  
cum accessissent. de const. Iaf. l. beneficium ff.  
eod. Nald. v. privilegium. numer. 4. & Bar-  
bol. de off. pot. episc. p. 2. alleg. 26. Fallit si  
non fuit occasio utendi & ita speciali ju-  
re pro Cassinensib. declaravit Eugen.  
IV. apud Margar. in Bull. cassin. Nald. loco  
supra cit. Roder. to. 1. qq. reg. 8. a. 5. & Tam-  
bur. to. 1. de iur. abb. d. 17. quest. 14.

Secundò, ut privilegiatus non sit usus  
suo privilegio scienter: hoc est, quòd  
hæc sciverit, se habere tale jus, & adesse  
occasionem illò utendi, noluerit tamen:  
ut scientia ad hunc effectum debeat respi-  
cere, tam privilegium, quam occasionem  
usus Barbol. & Nald. citati.

Tertiò, ut voluntariè hoc est propria  
spontè abstinerit privilegio: quòd si fuit  
prohibitus, nec etiam illud amittet per  
non usum, & prohibitionem ego hic in-  
telligo, non tantum physicam, quæ fit vi  
illata, sed etiam moralem, ob reveren-  
tiam, seu similem alium respectum, vel  
circumstantiam, ob quam privilegiatus,  
judicat sibi expedire, hic & nunc abstinere  
privilegio. Barbol. Burg. & Nald. ci-  
tati.

Demum quartò ut nõ sit usus suo pri-  
vilegio ex negligentia, eaque tali, ut in-  
ducat præsumptionem, renuntiationis.  
Gloss. d. 22. & cap. privilegium. 11. qu. 3. &  
Specul. lib. 2. tit. de instr. edit. §. 11. Aliàs  
non usus, resolvitur, in simplicè noleita-  
tè. Ex quo fit quòd illi soli possunt amit-  
tere aliquod privilegium per non usum,  
qui possunt illi renuntiare ut bene adver-  
tit Barbol. loco supra cit. Et sic quando ali-  
quod Privilegium spectat ad plures quo-  
rum alii usi sunt, alii non, manet semper  
in suo virore, adeò ut illi qui non sunt  
usi, possint ad illud redire, nisi obstet al-  
liud, de privilegiis verò regularium, cum  
non constet ullius usum fuisse univerfa-  
liter, in omnibus ordinibus, & ordinum  
Monasteriis fuisse intermissum, modo  
supra explicato, ideo & hac via nul-  
lum putò hæctenus extinctum fuisse.

ARTICULUS V.  
De Amissione Privilegiorum per  
contrarium usum.

S Y M M A R I U M.

- 1. Privilegia amittuntur per contrarium usum,  
& que 10.
- 2. Usus contrarius, quomodo dicatur in privile-  
giis.
- 3. In usu contrario includitur præscriptio.
- 4. In usu contrario includitur præsumptio re-  
nuntiationis.

H s. Con-

PRIVILEGIA  
SVMARIUM  
ET  
COMMENTARIUM  
IN REGVLAS  
INCELLABILES  
POSTULANTES  
PRAESENTIUM



- 58
5. Contrarius usus, aliquando resolvitur in simplicem non usum.
  6. Ut usus contrarius extinguat privil. quomodo debet ei esse contrarius.
  7. Regulares non amiserunt ullum privil. per contrarium usum & seq.  
Possunt reassumere omnia quae sic dicuntur amissa ibid.
  8. Etiam odiosa.

**H**unc modum, quo possunt amitti privilegia, discimus ex cap. cum accessissent. de const. c. pro illorum. de praeb. c. si de terra & c. accedentibus. de privil. l. auxilium. de min. l. cum pater. eod. de leg. 2. Gloss. cap. privilegium. 11. quest. 3. & Specul. lib. 2. tit. de instr. edit. §. 11. Pro hujus autem propositionis explicatione, supponendum venit, quod in materia privilegiorum, usus contrarius (si proprie loqui volumus) dicitur tantum de negativis, ut bene advertit Barbof. de off. & pot. ep. p. 2. alleg. 26. v. g. si quis non obligatus ad decimas solvat, si exemptus ab ordinario se submittat &c. tunc enim verè amittitur privilegium per ejusmodi actus contrarios, & hoc duplici ratione, nimirum, quia per tales actus incipit praescriptio currere, quae tandem completa extinguit privilegium; ut si exemptus subiciat se in aliquo, incipit Episcopus fundare, suam jurisdictionem, ac tandem post 10. annos subjectionis, extinguitur exemptio, vel quia inducitur interpretativa renuntiatio, quia ex quo suo privilegio, scienter quis contravenit, censetur illi renuntiare, & consequenter lege renuntiationis, illud amittit. Gloss. c. gratum. de off. & pot. Ind. del. & c. cum accessissent de const. Panor. eod. & Sylv. v. privilegium. num. 11. Quorum doctrinam ego intelligo, juxta dicta in articulo praecedenti, de non usu, aliàs autem simplex contraventio, resolvitur in non usum

per quem solum, non amittitur privilegium, ut inter alios docet Burgos. c. cum accessissent cit. n. 259.

Addit Sylv. quod ut privilegium amittatur per contrarium usum, actus debet esse illi contrarius directè, & non sufficere si indirectè tantum. Et ut vult Bon. 4. 3. de priv. p. 8. §. 6. talis actus debet esse contrarius privilegio materialiter, simul & formaliter, hoc est, quod debet exerceri, animo renuntiandi, & se subjiciendi juri communi. Et ut ait Barb. alleg. 26. cit. exerceri tanquam susceptus, non ex voluntate, sed ex obligatione.

Ex quibus patet, Dianam tract. 2. dub. reg. ref. 88. rationabiliter asserere de regularibus quod licet aliqui habuerint contrarium usum alicui privilegio: possunt tamen ad illud redire, & reassumere, quia inquit contrarius usus, inducitur ordinariè, per non usum, per quem non formatur consuetudo, nec consequenter amittitur privilegium, & pro tollendo omni dubio, & scrupulo, ita repetitis verbis declaravit Eugen. IV. pro Carthus. & Nicol. IV. pro Carthus. Et illud non amittere ullum privilegium, etiam per unum aut plures actus ex ignorantia, vel negligentia, alicui contravenierint. Margar. in bull. Cassin. Tambur. 11. 1. de iur. abb. d. 17. qu. 14. Portel. v. privilegio. cessario. numer. 62. Casar. v. privilegium. num. 33. & Nald. v. privilegium. num. 4. Quae declaratio, sanè debet intelligi, non solum de privilegiis favorabilibus, sed vel maxime, de odiosis, aliàs nihil operaretur, cum de jure communi, & seclusa omni gratia, vel declaratione, nunquam amittatur, privilegium favorabile, per contrarium usum, ut bene inter alios observat Laym. in theol. mor.

lib. 1. tit. 4. c. 23.